

पा मा हाड बु नानुसाची स्यामुसीड यो।या?लए होईढा डीनी रकमान आयु स का ग आन्ना मी?म खानावाँ खेम्पी?मामी लागी टाखेडीड। आयु के कानी या?मीचीए चैबानए हीड़खामा टक्चामामी लागी हाम्पे लाम्फु लाम्दुम्मानुङ् मान्ट?मा लम्भेरेडमाबी भेम्मा लेकीहा लोमे खानावाँ इखानी। योम्पक मुमे पाईकानीहारु, माड़ लें?मे पाईकानीहा र, माड़ लें?मे पाईकानी हाड़ सड़क नुर न लेटाम्ने हाड़ ईच्छक म लः टड्हीकाम्नी हाड़ग ईच्छक म काम खानावाँ खेम्पी?मा ।

ग बाखाटेम्पी कानी या?मीची डीरीक खालाहा खीम्पी डीरीक खालाहा हीड़खामा नुङ् हाड़ लाम्फु लाम्दुम्मानुङ् हीड़चाढाइडी। बाखाटेम्पीहा लाम्फु कोई ठालबीए लाम्फु लाम्दुम्मामी लागी साजील लें? कोई लाम्फु आप्ठेर लें?। माड़हाड़स आप्ठेर हाड़स साजील हाड़स लाम्फु ग ग बाखाटेम्पी डीरीक चुः। हीड़खामामी लाम लोमे खानावाँ चैं माड़ भने, कानी या?मीचीए हीड़चार ढारी ग बाखाटेम्पी लें?माहा चोप्न योम्पक, यामुमाहा चोप्न खानावाँ हाड़ कानीमी नीवायुङ् ह। ग बाखाटेम्पीहा कानी चोप्न या?मीची कानी टाड्पामी नीवाँबी ग मीनुकी, कानी काम्नुए न लाम्फुबी लाम्दुदाइडी हाड़ काम्नुए न याम्दाइडी मसे कानी पारुबी खेकी। टर कानी या?मीचीए ए?वा काम्नुए योम्पक मुकी हाड़सइक ए?वा काम्नुर यामुकी हाड़सइक आक्खा कानीए लें?मीम्पा योम्पक हाड़ यामुम्पा खानावाँ काम्नुए न ह कामानुङ् कानीम टाड्पे न ग हानाम्स लेःहीसीनी टर पारुबी पेन्खुबा हाड़ कानी चोप्न या?मी टें?न हें?ने टर चोप्न ठका मुखुबा नीवाहाड़ए टें?न ईघा चोप्न खानावाँ लें?हीकु। खोसे कानी माड़ लें?मा , हाड़ मान्ट?मा मुमा मीनुकु आक्रक्मान मुहीकु मान्ठाभने खोसे लें?हीसुनीए योम्पक माड़स माआ। कानीमी नीवाँबीए चोप्न खानावाँ खोसे लेकु। मान्ठाभने खोसे न कानी चोप्न या?मीची मुमीम्पा ह। खोसे न कानी ईघा चोप्न वाब्मे नीवाँ, यामुमे साम्ला, खाड़मे मीक चोप्न चोप्न चोप्न ठका मुबीम्पा ह। मसे टाड्पे मुमीम्पा ठकाए मान्ट?मा योम्पक पीकुए, माड़मी लागी आक्क मुमीम्पा ह लोमे खानावाँ आक्क मूखुबाए चोप्न लेकु। नीवाहाड़ए स कानी हड्सीहा चोप्न खानावाँ लेकु। कानी खोसे मुमीम्पा ह कानीमी नीवाँ ई?या खोबी एन्खें?न। ईघा खानावाँ नीवाहाड़ए एट्टान नुःर लेकु।

खानावाँ ईढाइमार नीवाहाड़मी साप्चीराबी?न साप्चीमपा एक्क खानावाँ ईमा मीनीड़, साप्चीराबी गरहाड़ साप्डा, “हे:र ढारी बीः?बी?पा लम्भेरेडमाबाड़ नीड़वाहाड़मी हाड़डाम् हड्सी भेम्मा यगाने, मान्ठाभने के आन्ना लोकानी, डीरीक या?मीची भेम्मा यगुकमी, टर भेन्हीमीनी। हड्सी?यु भेम्मे लः लुक्खेहाड़ खीम्पीऐ टुङ्घडपाए लम्भेरेडमा सेकठाइकु, हाड़ आन्ना चै ओम्फुबाड़, ‘टुङ्घडपो, काइकामी लागी लम्भेरेडमा हेम्बकपीच्चीमे’ काकानी। हाड़ खोसे आन्ना गर लोकानी, ‘आन्ना हाम्पा टाडानीहा र के आन्ना लेसानीनी।’ हाड़ आन्ने लोकाम्नी, ‘काइका आनानुङ् न पेन्से चायुक्सीडका डुङ्युक्सीडका हाड़ आने काइकामी गावाँबी चीन्युक्सीचीना।’ होइखेप्पा स खोसे आक्खाची लोकुची, ‘चैबान के आन्ना लोकानी, आन्ना हाबाड़के टाडानीहा र के लेसानीनी। काइसा योम्पक् मुखुबा आन्ना काबाड़ खाइहाड़ इट्टानो।आन्ने अब्राहाम, इसाहाक, याकुब हाड़ चोप्न काम्नुहा नीड़वाहाड़मी खानावाँ इखुबाची खोमी हाड़डाम् हड्सी पेम्मीम्पा खाइट्काम्नी। टर आन्ना चै बाहीरा क?हाड़कानी हाड़ आन्ना कैड़ यीक्से हाबुकानी। बाखाटेम्पीहा चोप्न ठालबाड़ या?मीची नीड़वाहाड़मी हाड़डाम्पी टाक्मीहाड़ भोजा चासी टाड्पाम् ठालबी पेनुकमी। हाड़ ग वाप्याकाम्ने, गरक्ल योम्पक् पीक्खुबा लोमीम्पाची डेड़पी योम्पक् आपीक्खुबा लीकमी, हाड़ गरक्ल योम्पक् आपीक्खुबाची चै डेड़पी योम्पक् पीक्खुबा लीकमी।”

चैबानए खानावाँबी नीवायुङ् ले?मा, चैबानए लाम्फुबी लाम्दुम्मा, चैबानए खानावाँ खासीमा, हाड् चोप्ज या?मीचीमी डारीइबी काम्नुए लीमा, ईघा चोप्ज ले?मा एट्टान सार ले?:। कानी हीइचामामी लागी ग, माड्पारा हाड्सइक हीइचामा हेकी, टर चैबानए काम्नुए या?मी लीमानुङ् हीइचामामी लागी काम्नुए या?मीए रकमान चोप्ज ठाका ले?मा सार ली?:। कानी एक्क ना एक्क योम्पकबी ग डेड्पीन लीढ्याड्पा लीकी। या?मी बीसान्चा लीसा हाड्ग आक्क या?मी सान्चा लीमामी लागी आक्कसे चामा लेर दाबाई हानाम्स चानुए लीनी, चानुए लीनी कामानुङ् आक्क या?मीए माचाउ भने आक्क या?मी हानाम्स काम्नुए लीहीनी।

आक्रकमान, नीवाहाइमी खानावाँ ,योमी हाड्डाम्पी भेन्ठाम लम्भेरेड्मा स आप्ठेर ले?, हाड् खोसे लोमीम्पा खानावाँ स कानीए नेन्चाईनी। गर?ल ल: चु:र ढारी आक्क लम्भेरेड्माबी माभेनी भने ई?या आबेला पीक्खेसीम्पा ली? आक्रक बेला कानी भेम्मा मीनुकी हाड्सइक भेन्टकीनी। साप्चीराबी साप्मीम्पा खानावाँए लोमा यकुए खानावाँ चैं ग न ह। ल: चुढाइमार न कानीए नीवाहाड् लेमा काम्नुए ली?:, डेड्पी ले?मेसे माड्स लीहीनी मसे गर?ल?न खोमी लम्भेरेड्मा पोट्टी खारीये मान्ठाभने गरक् बेला ल: चु:, खोसे कानी से:डाड्डी।

हाड् साप्चीराबीए साप्मीम्पा खानावाँए होईक ईग खानावाँ स लोकु,

"हाड् ग स वाप्याकाम्ने, गरकल योम्पक् पीक्खुबा लोमीम्पाची डेड्पी योम्पक् आपीक्खुबा लीकमी, हाड् गरकल योम्पक् आपीक्खुबाची चै डेड्पी योम्पक् पीक्खुबा लीकमी।"

गरकल कानी मान्ट?मा लेकी, मान्ट?मा हीइखामा हीइचामे पाईकी आक्रकमान लीमानुङ् कानीमी ग सालुङ् सीखे?ए डेड्पीए हीइखामाबी हीइचा टक्कीनी। मसे आयु बाड् न कानी चोप्जए ग सालुङ्बी सीखेखुबा हीइखामा हे?ने टर ग डेड्पीए हानाम्स आसीखेखुबा हीइखामा काम्नुर हीइचामामी लागी लाम्फु आई बाड्न काम्नुए मुसुम्ये, ढ्या लम्भेरेड्माबी हे?ने टर मीछु?मा लम्भेरेड्माबी भेनीये मान्ठाभने आक्क मीछु?मा लम्भेरेड्मा बाड् भेन्खुबा या?मीचीमी डेड्पीए हीइखामा एट्टान काम्नुए ली:।

गर का:भे?मार?न आयु स रे काम् आन्नानुङ् यामुचामे ल: ग लुक्खेसीडा, माड् ले?मे आन्नानुङ्न याम्चादाड्मा ग मीनीडे टर ल: ए खाईटे कामनुङ् लोढ्याड्डीङ्। आयु ए खानावाँ मान्ट?मा लेटे र, मान्ट?मा मीनुने र, माड् हाड्स काईसे लाम हे?ने टर हानाम्स काम्नुए लाम्फु यगीये हाड् काम्नुर लाम्दुम्सीये। गर कामानुङ् आयु चैं काम खे?मे बेला सप्खारा मसे का फेरी स ग ल: बी?न आन्नानुङ् चुप्सी टाड्डा टर आयु चैं खाईटीङ् यो हैटा। गरकल ढारी कानुङ् पेन्मीम्पामी लागी ओहाक।